


O Kosovu ništa novo

Srpski pregovarački tim predstavio je juče u Briselu uporednu analizu modela suštinske autonomije Hong Konga, Olandskih ostrva i prijedloga za rješenje statusa Kosova. Hong Kong kao upravna oblast pod neposrednom vlašću Kine i Olandski ostrva pod suverenitetom Nizozemske imaju visok stepen autonomije, osim u spoljnim i odbrambenim poslovima. Kosovo bi, kako predlaže Beograd, bio dio teritorije Srbije, imao bi izvršnu, zakonodavnu i sudsku vlast, centralnu banku, carinu, valutu, mogao bi sklapati sporazume sa drugim državama i međunarodnim finansijskim institucijama.



Šest igrača Thoune-a optuženo za silovanje

Šest igrača švicarskog prvotligaša Thoune je među 14 osoba koje su osuđene za silovanje 15-godišnjakinje, objavila je u utorak švicarska policija. "Većina osumnjičenih je priznala da je imala seksualne odnose s djevojkom", kaže se u priopćenju. Ove su optužnice objavljene sedam dana nakon što je švicarska policija uhapsila 21 osobu u kantonu Berne zbog ovog slučaja.



Bh. rukometne reprezentativke se pripremaju u Tuzli

UNČANIN: Zadovoljan sam radom i uslovima

OSLOBODENJE
SARAJEVSKO IZDANJE

srijeda, 21. novembar 2007. godine

51. strana

Nikolaidis ponovo osuđen zbog Kusturice



Kusturica i Nikolaidis

Zbog teksta „Đavolov šegrt“, bosansko-crnogorski književnik i novinar Andrej Nikolaidis osuđen je jučer na Osnovnom sudu u Podgorici na kaznu od šest mjeseci koja se može nadoknaditi i materijalno sa 5.000 eura. Ovo je drugi put da je Nikolaidis osuđen: viši sud je vratio predmet poslije žalbe, pa je sutkinja Evica Durutović praktično ponovila presudu iz 2004. godine.

Mnogobrojni intelektualci poslali su peticiju podrške književniku kojom osuđuju skandaloznu i ciničnu presudu, jer time crnogorsko pravosuđe pokazuje šta misli o uputama Vijeća Evrope izrečenim prije petnaestak dana, u kojima stoji da su zastrašivanje i pritisk na novinare apsolutno nedozvoljeni.

S druge strane, budući da je Nikolaidis bosanski državljanin, bilo bi sasvim umjesno da se neko iz državnih struktura zvanično oglasi povodom ovog slučaja i propita neka „prijateljstva“.

Valja napomenuti da je Nikolaidis, koji od 1992. živi u Ulcinju, tražio crnogorsko državljanstvo, ali ga nije dobio. Emir Kusturica je kao dokaz da mu je tekstom „Đavolov šegrt“ načinjena šteta podnio to „da ga je iz Sarajeva zvao izvjesni Šaja koji je prijetio da će ga zaklati, te vebabije koje su pitale zašto u svom selu na Mokroj Gori nema džamiju“. **A. BURIĆ**



Uz pomoć EUFOR-a, snijeg nije zaustavio entuzijaste

POČELO DEMONTIRANJE LEGENDARNOG AVIONA

Francuski ljubitelji avijacije iz Normandije jučer su počeli rastavljati legendarni američki avion C-47 Dakota iz Rajlovca kako bi ga odvucli na renoviranje te izložili kao eksponat u gradiću Mervilleu.

Uz dozvolu Predsjedništva BiH, ova letjelica, koji je nakon upotrebe u JNA stajao u krugu nekadašnje zrakoplovno-tehničke akademije u Rajlovcu, bit će obnovljen u originalnim američkim bojama i oznakama. Pomoću tvorničkog i serijskog broja, Francuzi su ustanovili da je baš ovaj aparat sudjelovao u nekim od najznačajnijih operacija Drugog svjetskog rata, „izbacujući“ američke padobrance i dopremajući opremu.

Devetočlanu skupinu entuzijasta predvodi Olivije Pa (Olivier Paz), gradonačelnik Mervillea, mjesta od kojih tisuću stanovnika. Dobro organizirani u Udruhu mervilske Dakote, rade na prikupljanju donacija, jer čitava operacija očuvanja aviona stoji 60.000 eura.

„Netko će reći da je ovo samo osam tona aluminija. Ali, za nas on predstavlja priču o visinama, i dio povijesti Normandije“, veli Pa i dodaje: „Ljudi u Normandiji nikada neće zaboraviti iskrcavanje saveznika 1944. godine i oslobođenje Europe. Ovim vraćamo avion na prostor svoje najvažnije operacije u kojoj je sudjelovao, a letjelica će simbolizirati prijateljstvo Francuske, Sjedinjenih Američkih Država i Bosne i Hercegovine“.

Primjerak iz Rajlovca Amerikanci su nakon rata prodali čehoslovačkom aerotransportu, a ovaj ga je 1960. godine preprodao francuskoj vojsci. JNA ga je kupila 1973. godine. Francuzi početkom lipnja naredne godine organiziraju veliku obljetnicu iskrcavanja saveznika u Normandiju, na koju će biti pozvan i preživjeli, 88 godina star, pilot ovog aviona.

A. PRELUDA

Rasipanje eksponata

Tajnik Historijskog muzeja BiH u Sarajevu Saša Tomašević priznaje da će avion na lijep način biti očuvan. Ali, upozorava da vlasti moraju pomoći da prestane nekontrolirano rasipanje eksponata naše prošlosti.

„Naših šest institucija od kulturnog značaja još nema riješen status niti finansiranje, a Općina Novo Sarajevo nikako da nam omogući postavljanje ograde kako bismo zaštitili postojeće eksponate“, kaže Tomašević.

LOTO

47. KOLO

2

5

12

24

37

40

JOKER 1

4

7

2

0

5

2

JOKER 2

7

8

6

9

5

9